



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. I. An detur, vel saltem sit possibilis in visione beatifica, aliqua species impressa creata?

[urn:nbn:de:hbz:466:1-77132](#)

DISPUTATIO II.

De specie ad visionem beatificam concurrente.

Dclarata visionis beatifica possibilite, consequens est ut de principiis ad illam concurrentibus disputemus, & in primo de specie ad illam concurrente; deinde de lumine gloriae ad illam requisito, de quo dicemus disputatione sequenti.

ARTICULUS I.

An detur, vel saltem sit possibilis in visione beatifica aliqua species impressa creatarum?

S. I.

Pranotanda ex Philosophia.

Notandum primò: Speciem intelligibilem se habere ut vicariam objecti, trahendo ipsum intentionaliter ad potentiam: & non solum se tenere ex parte potentiae, tanquam determinationem, & complementum virutis cognoscitiva, vel per modum luminis eam confortantis. Ita communiter docent Philosophi in libris de anima contra Valsquern, & Alarcon. Ratio est evidens, quia ex objecto & potentia paritur notitia, ut est commune proloquium ex Augustino desumptum; unde ad partum intellectualem verbi, necesse est quod aliquid loco objecti sit in potentia, sicut semen est loco generantis, ut paratur fetus; objectum enim per se ipsum semper in ea esse non potest, ut constat: Ergo ad cognitionem requiritur species intelligibilis, tanquam vicaria ipsius objecti, seu ut praebens concursum objectivum, non vero per modum luminis confortans potentiam.

Addo, quod cognitionis fit trahendo res ad se, & conjungendo illas sibi; unde cum res materiales, per entitatem suam non possint intrare in potentiam, & illi uniri, indigent speciem, ut illa mediante ei uniantur. Quamvis ergo species sit subjectiva in potentia, quatenus eam actuat & informat, illa tamen se tenet ex parte objecti, tanquam gerens ejus vices, & ut objectum illa mediante, possit informare, & actuare potentiam, eamque ad partum intellectualem verbi fecundare. Quod ut fiat evidens,

2. Notandum secundo ex D. Thoma in 4. dist. 49. quæst. 2. art. 1. ad 15. & quodlibet. 7. quæst. 1. art. 1. quod triplex potest esse similitudo in potentia cognoscitiva, respectu objecti. Prima se tener ex parte potentiae, & nihil est aliud quam virtus, seu proportio & efficacia potentiae ad elicendam cognitionem circa tale vel tale objectum. Unde idem S. Doctor hic art. 2. dicit quod lumen gloria confortans intellectum ad videndum Deum, est aliqua similitudo ex parte visive potentie. Secunda est ex parte ipsius objecti, impressa tamen potentiae; & non est aliud quam representatio, seu species, quæ objectum redditur intelligibile, & unitum potentiae, ut ex ipso & potentia paratur notitia. Tertia similitudo est ex parte medii, quæ non est aliud quam res aliqua prius cognita, in qua, vel ex qua devenitur ad aliam; sicut in speculo, vel imagine prius cogniti-

ta attingitur res representata. Et licet verbum, seu species expressa etiam habeat rationem imaginis, tamen non habet rationem medii prius cogniti, seu medii objectivi, sed formalis: eo quod informet intellectum ex parte termini cogniti, & informando representet. Unde computatur à D. Thoma cum secundo medio tanquam medium cognoscendi quo, ut ipse loquitur quæ l. 4. de verit. art. 2. ad 3.

Notandum tertio, vel potius supponendum ex libris de anima, quod species lapidis v.g. quæ intellectus constituitur in actu ad intelligendum lapidem, continet in se formam & naturam lapidis, eandem realiter cum illa quæ in lapide inventur; non quidem sub modo naturali (hoc enim est impossibile, ut constat) sed intelligibili, & representativo.

Hac suppositio, quæ est fundamentum plurimæ qua infra dicemus, probatur primo ex D. Thoma 2. de anima lect. 2. 4. & 7. Metaph. lect. 6. ubi dicit species rei intellectæ esse quidditatem ejus, & 4. contra Gent. cap. 14. ait quid verbum nostrum intellectus, ex ipsa re intellecta habet ut intelligi vult et eandem numero naturam continet: Ergo species residens in intellectu est ejusdem naturæ cum re intellecta, non in esse naturali, sed intelligibili, & intentionalis.

Probatur secundo ratione: Omnis representatio, siundatur vel in continentia eminentiæ objecti representari, ut contingit in essentia divina, quæ representat creaturem, quia illas eminenter continet: vel in dependentia ab objecto representato, ob quam effectus suam causam representat: vel in convenientia formalis. Sed species representat suum objectum, & non ratione convenientia eminentiæ: species enim quæ est accidentis, non continet eminenter substantiam: nec ratione solius dependentia, alias habitus existentes in intellectu, essent species objectorum: Ergo ratione convenientia in forma representata: Sed non ratione convenientia analogica, alias representaret solius gradum analogice communem; nec ratione convenientia genericæ, alias solius representaret genus: Ergo ratione convenientia specificæ, & consequenter species representans hominem, in esse intelligibili est et iusdem speciei cum homine, vel potius ipsa hominis species, seu quidditas.

Confirmatur: Species quidditativa homini, est in esse intelligibili ipse homo representatus: Ergo species representans hunc hominem, est hic homo numero in esse intelligibili, & consequenter hic numero homo est in esse intelligibili idem realiter cum specie representativa eius.

Confirmatur amplius: Imago artificialis hominis, cum illo convenit in figura, & imago naturalis in substantia; ut patet in filio, qui est imago naturalis patris: Ergo etiam imago intentionalis hominis, qualis est species, debet cum illo in essentia convenire, cum sit illius imago quoad essentiam.

Dices primò: Albedo & nigredo sunt forma inter se contraria, nec in gradibus intensis possunt simul in uno subjecto existere: Sed species albedinis, & species nigredinis sunt simul in eodem intellectu: Ergo species albedinis non est eisdem quidditatibus cum illa, & idem de specie nigredinis.

Respondeo distinguendo Majorem: Sunt forma inter se contraria, sub modo essendi naturali.

DISPUTATIO SECUNDA

li, concedo : sub modo essendi intelligibili, & intentionalis, nego. Et concessa Minoris, distinguo Consequens distinctione Majoris: Ergo species albedinis non est ejusdem quidditatis cum illa : in esse naturali, concedo : in esse intelligibili & intentionalis, nego.

⁸ Dices secundum : Species mensuratur ab obiecto, & dicit relationem realem ad illud : Sed mensuratum distinguitur realiter à mensura, & terminus à relatione : Ergo species realiter distinguitur à natura, & quidditas obiecti quod representat, ac proinde falsum est, quod species sit natura, & quidditas obiecti representant.

Confirmatur: D. Thomas infra quest. 42. art. 1. ad 4. negat relationem realem à qualitatibus inter divinas personas, quia essentia qua fundatum est à qualitatibus una & eadem est in tribus personis: Ergo similiter, si eadem natura & quidditas sit in specie, & in obiecto quod representat, illa non poterit dicere relationem similitudinis ad obiectum.

⁹ Ratione huius argumenti, quidam existimant quod relatio similitudinis, qua species ad obiectum referitur, non est realis, sed rationis, sicut relatio à qualitatibus, qua est inter personas divinas. Sed melius responderetur, quod ut species mensuratur ab obiecto, & dicat ad illud relationem realem similitudinis, non requiritur quod ab illo distinguitur realiter in natura & quidditate; sed solum in modo habendi naturam inesse intentionalem, qui distinguitur à modo naturali, sub quo in ipso obiecto inventur: non enim fundat relationem illam, natura ut praescindat ab illis modis essendi, sed prout illis affecta, & modificata. Ex quo patet responsio ad confirmationem, concessa enim Antecedente, neganda est Consequentia, & paritas. Ratio discriminis est, quia essentia, qua est fundatum à qualitatibus divinarum personarum, non habet in illis diversum modum essendi; sicut habet natura & quidditas, prout continetur in specie, & prout est in obiecto, per illam representato.

¹⁰ Ex his intelliges dictum Aristotelis 3. de anima textu 37. dicentis animam esse quodammodo omnia: quia scilicet ratione specierum intelligibilium, in se continet naturas & quidditates omnium rerum, non in esse naturali, sed intelligibili, & intentionalis. Cui etiam concordat celebre illud dictum Commentatoris, dicentis, ex intellectu, & re intellectu fieri magis unum, quam ex materia & forma. Materia enim non transit in formam, nec est contra formam in materiam, sed ex unione utriusque resultat tertium compositum: at verò ex specie in esse representativo consideratur, & ex intellectu, non resultatum tertium, sed potius intellectus transit in rem intellectam, mediā specie intelligibili. Unde Aristotle 3. de anima laudavit Anaxagoram, eo quod dixerit intellectum nostrum esse immixtum omni esse specifico, ad differentiam purae potentiae in ordine naturali, quia ratione sue limitationis est quidem nata recipere omnem actionem sui generis, non tamen alicui per identitatem admiscetur.

Addo, quod cùm ex una parte gradus cognoscendi, utpote immaterialior, superet gradū essendi entitativum, seu naturale, & rursus ex alia parte, cognitione per se postulet unionem cum objecto: negari non potest, talem unionem debere esse multò perfectiorem, eā quā reperitur in ordine entitativo & naturali, inter materiam

A & formam, subiectum & accidentia. Et aliter sentientes (inquit Cajetanus) nimis vilem faciunt naturam cognoscitivam: quā indocidentur ea non aliter quam de rebus naturalibus iudicant.

§. II.

Ostenditur Deum non videri à beatis, mediante aliquā specie impressā creatā.

¹¹ Dico primo: In visione beatificā nullam intervenire speciem impressam creatam. Ita communiter docent Theologi (excepto Aegidio à Præsentatione) cum D. Thoma hīc art. 2. & 3. parte quest. 3. art. 3. ad 3. ubi sic habet: Cognitio beatā non fit per speciem qua sit similitudo divinae essentiae, vel eorum qua in divina essentia cognoscuntur, sed talis cognitio est ipsius divinae essentiae immediate, per hoc quod ipsa essentia divina unita mente beatā, sicut intelligibile intelligenti. Idem docet 3. cont. Gent. cap. 51. & in 4. distinct. 49. quest. 2. art. 1. ad 15. cuius verba infra referemus. Denique hanc doctrinam (ut dicit Aegidius Romanus, in suo defensorio art. 1.) habuit S. Doctor divinitus inspiratam, & cœlesti revelatione confirmatam. Cum enim deceperisset Frater Romanus Inquisitor Neapolitanus, qui ejus fuerat discipulus, eique post mortem appauperasset, ab ipso D. Thoma interrogatus, quomodo in Patria videretur Deus? Respondit his verbis Psalmista: sicut audivimus, ita & vidimus in civitate Domini virtutum. Per hoc declarans, Deum eo modo videri à beatis in Patria, quo ab ipso D. Thoma audierat, dum ejus esset discipulus in via.

Eadem veritas hac ratione suadetur. Species impressa in visione beatifica superflua est: Ergo non datur. Consequentia patet, Antecedens probatur. Species impressa necessaria est ad supplendum defectum obiecti, quod secundum se non potest concurrere cum potentia ad intellēctionem sui, vel quia non existit, vel quia remota est, aut secundum se non est intelligibile, propter suam materialitatem: Atqui nullum horum habet locum in proposito; nam Deus est existens necessario, intimè præsens intellectui beati, & summe immaterialis, ac proinde perfectissimo modo intelligibilis: Ergo species impressa in visione beatifica superflua est.

Confirmatur: Ob eandem rationem superflua est Angelo species accidentalis ad sui cognitionem, nam substantia ipsius, ex communi sententia, quia est intimè præsens, & immaterialis, supplet vices speciei; & idem dicunt quidam recentiores de lumine respectu oculi, & de qualitatibus sensibilibus respectu tactus, nempe quod se ipsi, sine specie moveant ad sensationem, quia habent sufficientem præsentiam, & unionem, ac proportionem cum potentia. Addo quod, essentia divina potest se ipsa præstare (seclusis imperfectionibus informationis & inherentiis) id totum quod facit species impressa creata, ut infra ostendemus: Ergo illa est superflua.

Probatur secundum conclusio: Si daretur in visione beatifica aliqua species impressa creata, vel illa produceretur necessario à Deo, vel liberè; Neutrū dici potest. Ergo non datur. Minor quantum ad prīnam partem est certa, nullus enim datur effectus ad extra, qui necessario à Deo procedat. Probatur vero secunda pars: illa species emanaret à Deo secundum suam

suam essentiam, ut est radix attributorum, & ut prævenit voluntatem, & omnipotentiam: Ergo emaneret ab ipso necessariò, & non liberè. Antecedens est certum, quia species emanat à suo obiecto formalí; obiectum autem formale visionis beatificæ, est essentia divina, ut radix attributorum, ut infra ostendemus. Consequētia autem probatur: Illud quod emanat ab alia quia ratione in Deo, præveniente voluntatem, est necessarium: sic scientia simplicis intelligentiæ, & juxta Adversarios, scientia media, necessaria est, saltem ex parte subjecti, quia prævenit voluntatem: Ergo si species illa emanaret ab essentia Dei, ut et radix attributorum, & ut prævenit voluntatem, necessariò, & non liberè, a Deo procederet.

Confirmatur: Hæc emissio specierum in obiectis productis illarum, est necessaria; quia illa se habent ut affectiones naturæ, & ut proprietates, ac veluti quædam semina, quibus sūi cognitionem nata sunt parere, sicut per semen naturale producent simile: Ergo illa species repræsentativa Dei, esset affectio, proprietas, & semen Dei, & consequenter naturaliter produceretur, sicut proprietas, & semen. Hæc conclusio magis constabit ex dicendis §. sequentiis.

§. III.

Impossibilitas eiusdem speciei demonstratur.

Dico secundò: Non posse dari speciem impressam creatam, quæ Deum clarè & intuitivè repræsentantem. Est contra Suarez, Vazquez, Molinam, & alios recentiores: est tamen D. Thomæ locis supra citatis, ubi impossibilitatem talis speciei, variis rationibus demonstrat.

Prima, quæ habetur quodlibet. 7. quæst. 1. art. 1. & 1. cont. Gent. cap. 46. potest sic proponi. Effectus formalis speciei impressæ, est reddere obiectum proxime intelligibile: Sed repugnat Deum fieri proxime intelligibile, per aliquam formam creatam, & à se distinctam: Ergo repugnat dari speciem creatam, clarè & intuitivè Deum repræsentantem. Major est certa, & constat ex supra dicitur: Minor vero probatur. Illud quod est per se intelligibile, imo & sua intelligentia, non potest fieri intelligibile per aliquid aliud: At Deus per se intelligibilis est, imo & sua intelligentia, cum sit actus p̄ius in ratione intelligibili, & infinite immaterialis: Ergo non potest fieri intelligibile, & visibilis ut est in se, per aliquam formam, & speciem intelligibilem creatam. Minor constat, Major autem variis exemplis declaratur. Quia enim lux se ipsa visibilis est, & ratio videndi obiecta, non potest fieri visibilis per aliam formam à se distinctam. Quia albedo se ipsa est alba, non potest fieri talis per aliam qualitatem. Quia unio est ratio coniunctio extrema, non potest uniri per aliam unionem, sicut nec existentia fieri existens per aliam existentiam; alioquin daretur processus in infinitum, & illud quod est tale per existentiam, fieret tale per participationem, quod implicat. Ergo similiter cum essentia divina, sit ipsa lux increata, & ipsa intelligibilitas, & visibilitas per essentiam, non potest fieri intelligibilis, & visibilis per aliquam formam, seu speciem à se distinctam.

Confirmatur: Eadem est ratio proportionaliter de intelligibilitate, ac de intellectualitate: Sed quia Deus est prima intelligentia, non po-

A test fieri intelligens per aliud à se: Ergo simili-
ter, quia est prima intelligibilitas, non potest
fieri intelligibilis, & visibilis ut est in se, per ali-
quid à se distinctum.

Dices: Hoc argumentum probare quidem, 18
essentiam divinam non posse fieri intelligibile, & visibile intellectui divino, & increato, per aliquam formam, aut speciem à se distinctam: non tamen demonstrare, quod illa non possit fieri intelligibilis, & visibilis intellectui creato, per aliquid à se distinctum. Licit enim divina es-
senta sit ex se intelligibilis, imo & sua intelligibilitas, est tamen improportionata respectu intellectus creati, propter summam & infinitam eius intelligibilitatem, ac proinde potest, & de-
bet, per aliquam speciem creatam reddi pro-
portionata, & intelligibilis ab intellectu creato.

Sed contra: Quod aliquod obiectum per se intelligibile, ratione suæ eminentia sit improportionatum seu superexcens respectu aliquius potentie, non arguit addendum esse aliquid 19
iphi, per quod fiat intelligibile, sed solum ponendum esse aliquid in potentia, quo confortetur, elevetur, & fiat potens ad illud cognoscendum. Sicut ex eo quod Sol ratione sui splendoris, sit obiectum improportionatum, & superexcens respectu oculi noctua, non sequitur aliquid ponendum esse in Sole, per quod fiat ei visibilis, & proportionatus, sed solum debere ponni maiorem virtutem, & efficaciam in potentia visiva noctua, per quam roboretur & fiat potens ad videndum Solem. Unde ex eo quod D. Cas sit obiectum improportionatum respectu intellectus creati, non sequitur divinam essentiam debere, vel posse fieri proportionata per aliquam speciem creatam, sed tantum, intellectum creatum, mediante lumen gloriae, debere confortari, & elevari ad ejus visionem.

§. IV.

Exponuntur alias rationes D. Thomæ.

Präter rationem jam explicatam, tres alias adducit S. Doctor hic art. 2. quæ breviter exponenda sunt. Prima sub his terminis ab illo proponitur. Sicut dicit Dionysius 1. de divin. nomi-
nibus, per similitudines inferioris ordinis rer. n. nullo modo superiora possunt cognosci, sicut per speciem corporis non potest cognosci essentia rei incorporeæ: multo igitur minus per speciem creatam quamcumque, potest essentia Dei videri. Pro cuius explicatione,

Notandum primo: Speciem non debere ita 21
esse ejusdem ordinis cū obiecto, ut cum eo con-
veniat in gradu perfectionis specifico; contin-
git enim tæpe, obiectum ejus esse substantiam,
speciem vero illud repræsentantem, esse acci-
dens, ac proinde imperfectiorem suo obiecto;
sed quia ad minus debet. Cū obiecto in gradu
immaterialitatis convenire, non quidem spe-
cifico (constat enim speciem, quā Angelus in-
ferior superiorē cognoscit, excedi hoc modo
in immaterialitate, ab Angelo quem repræsen-
tat) sed generico: cū enim species impressa
sit veluti forma, per quam ipsum obiectum
constituitur in ratione intelligibilis proximè,
& intellectio fiat ratione immaterialitatis, spe-
cies impressa, aliquod obiectum repræsentans,
debet esse in eodem ordine, & gradu saltem
generico immaterialitatis cum illo, vel in supe-
riori. Unde hoc alia ratione, species entitativè

DISPUTATIO SECUNDA

132

materialis, nequāt repräsentare objectum spirituale, nisi quia non gaudet eodem gradu immaterialitatis cum illo.

22. Notandum secundò, seu potius recolendum ex dictis art. 1. præcedentis disputationis: quatuor esse ordines vel gradus immaterialitatis, rebus cognoscibilibus convenientes. Primus est rerum sensibilium, ut sunt in materia individuali, quarum immaterialitas consistit in quadam actualitate quam habent, sufficiente ad immutandum sensum. Secundus est quidditatum rerum materialium, quæ licet in re habeant esse in materia individuali, per intellectum tamen ab ea abstracturunt. Tertius est rerum spiritualium, quæ habent esse omnino separatum à materia, non tamen à potentialitate, quales sunt Angeli. Quartus ejus entis quod non solum separatum est à materia, sed etiam à potentialitate, cuiusmodi est solus Deus, qui est actus purus. His respondent quatuor alii gradus, vel ordines immaterialitatis specierum. Primus est specierum sensibilium, singularia materialia repräsentantia. Secundus specierum à phantasmatibus abstractarum, repräsentantū quidditates & naturas materiales à singularibus abstractas. Tertius specierum intelligibilium, quæ nullo modo sunt à phantasmatibus abstractæ, non tamen sunt actus puri, sed admixtam habent potentialitatem, quales sunt species quibus Angeli cognoscunt. Quartus ejus speciei, quæ omnino separata est à materia, & potentialitate, estque actus purus, qualis est divina essentia respectu intellectus divini. Cum ergo dicimus, speciem debere convenire cum objecto in gradu immaterialitatis, hoc ita intelligentum est, ut si objectum habeat immaterialitatem primi ordinis, etiam species primi ordinis immaterialitatem debeat habere, & sic de secundo, tertio, & quarto gradu: unde cum nulla species creata, vel creabilis possit ad quartum immaterialitatis gradum pervenire; alioquin esset actus purus, & suum esse per essentiam, sicut Deus, nulla potest dari species creata, quæ Deum quidditative repræsentet.

23. Confirmatur primo: Qualibet species creata, vel creabilis, magis dicitur à Deo, quam species sensibilis à quidditate rei materialis, & quam species à phantasmatibus abstracta, à quidditate, & substantia Angeli: Sed repugnat per speciem sensibilem cognosci essentiam & quidditatem rei materialis, & per speciem à phantasmatibus abstractam, quidditativè videri Angelum: Ergo à fortiori repugnat, per aliquam speciem creatam Deum quidditativè videri.

24. Confirmatur secundo: Species non minorem debet habere proportionem, nec minus convenire in gradu immaterialitatis cum re quam repräsentat, quam potentia intellectiva cum objecto quod conaturaliter intellexit: unde sicut repugnat dari intellectum creatum, qui conaturaliter videat Deum; quia nullus intellectus creatus, aut creabilis, potest esse ejusdem immaterialitatis cum illo, ut art. 1. disp. præcedentis, latè expendimus. Ita similiter, ob eandem rationem, implicat dari aliquam speciem creatam, qua Deum quidditativè repræsentet.

25. Confirmatur tertio: Virtus proxima ad intelligentum, debet in eodem gradu immaterialitatis confitui cum natura intellectiva cuius est virtus: Ergo pariter virtus proxima quæ moveatur intellectus ad intelligentum, debet esse in

A eodē gradu immaterialitatis cum objecto móvente, cujus est virtus proxima: Sed species impressa est vis proxima objecti móventis potentiam ad sui intellectionem: Ergo debet in eodem gradu immaterialitatis cum illo confitui. Unde sicut repugnat aliquem intellectum connaturaliter videre Deum, nisi sit actus purus, & suum intelligere; ita etiam implicat dari aliquam speciem quidditativè Deum repräsentantem, nisi similiter sit actus purus in esse intelligibili, ejusdemque immaterialitatis cum divina essentia, quod omni formæ creatæ, vel creatili manifestè repugnat.

Secunda ratio Est, Essentia Dei est ipsum esse eius, 26 quod nulli forma creata competere potest: Non potest igitur aliqua forma creata, esse similitudo representans Dei essentiam. Vis hujus rationis fundatur in doctrina Aristotelis & Commentatoris, §. 1. expedita. Hui enim docent (ut ibidem ostendimus) species intelligibiles esse ipsas quidditates rerum, non quidem in esse naturali, sed in esse intelligibili. Sicut idea domus in mente artificis existens, & domus ad extra, licet habeant diversum modum essendi, habent tamen eandem formam domus; juxta illud quod docet Aristoteles 7. Metaph. & D. Thomas ibidem lect. 6. Ex sanitate fieri sanitatem, & ex domo domum, ex ea quæ est sine materia, in anima existente, illam quæ habet materiam. Licet autem species quæ est accidentis, possit esse quidditas substantialis creata, in esse intelligibili; nulla tamen species creata potest esse essentia, & quidditas Dei, etiam in esse intentionalis, & intelligibili. Tum quia nihil potest esse ejusdem cum Deo immaterialitas. Tum etiam, quia nihil potest esse idem cum illo, nec habere cum eo univocam & atomam convenientiam, secundum aliquid esse reale, & non fictum: esse autem intentionale, & representativum in specie intelligibili, non est aliud quod esse fictum, aut aliqua denominatio extrinseca, sed verum & reale esse intrinsecum, quod in immaterialitate fundatur: Ergo &c.

D Ex his facile diluuntur instantia Adversariorum. In primis enim facile respondetur ad id quod dicit Vazquez, falso esse quod species impressa debet esse ejusdem naturæ cum suo objecto; quandoquidem objectum aliquando est substantia, & species illud representans accidens. Hæc enim instantia procedit ex pura equivocatione hujus Authoris, qui non distinguit inter esse entitativum, & intentionale, seu representativum speciei. Licet enim species & objectum non debeant esse ejusdem naturæ & quidditatis, in esse naturali & entitativo, ut constat in exemplo adducto: bene tamen in esse intelligibili, & representativo, cum species sit ejus similitudo formalis, & cum ex specie & objecto (ut dicit Averroës) fiat magis unum, quam ex materia & forma, ut anteà declaravimus.

E Pater etiam responsio ad id quod dicit Arrabal, nullum scilicet esse inconveniens, admittere quod species creata, in esse intelligibili & representativo, sit ejusdem naturæ cum Deo, quia ad id nihil aliud requiritur, quam quod representet ipsum ut in se est. Ut enim supra ostendimus, esse intentionale, seu representativum, in specie intelligibili, non est aliquod esse fictum, aut sola denominatio extrinseca, sed verum & reale esse intrinsecum, in immaterialitate fundatum. Unde cum repugnet aliquam

quam creaturam, convenire univocè cum A
Deo in aliquo esse reali, & non falso, & es-
se ejusdem immaterialitatis cum illo, implicat
dari aliquam speciem creatam, quæ illum quid-
dictative representet.

Deniq; exclusa manet aliorum responso, qui
dicunt cum Vazque & Alarcon, D. Thomam, vel
solum negare similitudinem creatam, quæ se ha-
beat ut medium prius cognitum, seu ut medium
quod, non tamen speciem intentionalem, seu
medium quo videatur. Vel si illam neget, eam
solum negare de facto, non tamen de possibili.
Unde dicit Alarcon tract. i. de visione Dei disp.
3. c. 2. m. 5. non esse assignabilem locum D. Th.
ubi clare dicat impossibilem esse hanc speciem.

Sed utrumq; facile confutatur: primum qui-
dem, quia D. Thomas in 4. dis. 49. qu. 2. art. 1,
ad 1. & quodl. 7. qu. 1. art. 1. distinguit triplex
medium, scilicet medium *sub quo* ex parte po-
tentie, medium *quo*, quod est species intelligibili-
lis, & deniq; medium *in quo*, sicut speculum, in
quo aliquid cognoscitur tanquam in re prius
cognita. Et dicit, in visione beatifica non dari se-
undum & tertium medium, sed solum inveniri
primum, quod est ipsum lumen, quod dicitur simi-
lilitudo ex parte potentie, ut explicat hic art.
2. Ergo expressè negat D. Thomas speciem in-
telligibilem in visione beata, & non solum me-
dium in quo, seu prius cognitum. Præterea hic
art. 2. ad 3. & tertio cont. Gent. cap. 51. explicat
quomodo essentia divina loco speciei actet in-
tellectum beati ad suam visionem: si autem solum
intendere negare similitudinem creatam, quæ
se habeat ut medium prius cognitum, non au-
tem speciem intelligibilem creatam, quæ est me-
dium cognoscendi ut quo: ut quid explicaret,
quod ipsa essentia divina habet rationem spe-
ciei, seu forme intelligibilis, & quomodo? Simili-
liter alia explicatio D. Thomas evidenter est
nullatum quia rationes D. Thomas jam exposi-
ta, probant implicare contradictionem quod
Deus videatur per illā. Tunc etiam, quia quodl.
7. citato clare dicit esse impossibile dari intel-
lectui creando talum similitudinem, quæ sit mediū
quo respectu divinae essentiae. Idem docet 3. con-
tra Gentes, c. 49. & hic art. 2. sive repetit, quod
non potest dari similitudo ex parte objecti, per
quam (ut ostendimus) significat speciem intelli-
gibilem. Ex quo patet quā parum sit versatus
Alarcon in lectio D. Thomas, & quā falsum
sticillud quod dicit, nimis non esse assignabi-
le locum in D. Thomas, ubi clare dicat impos-
sibilem esse hanc speciem.

Ultima ratio pétitur ex eadem radice quā à-
īz, & fundatur in hoc quod si daretur aliqua
species creata, quā Deum ut est in se, repræsen-
taret, illa ex se & ex natura sua haberet vim
repræsentativam extensivè infinitam: tum quia re-
præsentaret divinam essentiam, quæ est aliquid
incircumspectum, illimitatum, & continens in
se supereminenter quidquid potest significari,
vel intelligi ab intellectu creando. Tunc etiam,
quia quantum est de se repræsentaret tota collec-
tionem effectuum possibilium, quæ in divina
omnipotencia continentur: cum enim talis spe-
cies naturaliter & non libere repræsentaret, ex
se & ex sua natura non esset magis determinata
ad repræsentandam unam ex creaturis possibi-
libus, quam alterā. Unde ex tota illa collectio-
ne potest quamlibet repræsentare, & sic ex se, &
ex sua natura haberet vim repræsentativam per-

tingentem ad omnes, ac proinde extensivè infi-
nitam, cum effectus qui latent in divina omnipo-
tentia, infiniti sint: repugnat autem aliquam spe-
ciem creatam habere vim repræsentativam infi-
nitam; quia cum vis intentionalis & repræsenta-
tiva in specie, fundetur in ejus immaterialitate,
sicut repugnat dari speciem creatam quæ sit in-
finita immaterialitatis, ita & quæ habeat vim re-
præsentativam extensivè infinitam. Unde D.
Thomas 1. p. q. 55. art. 1. docet naturalē angelici-
cam, v.g. Gabrielis, non posse deservire per mo-
dum speciei ad omnium rerum intellectionem; quia
cum limitata sit, nequit in esse repræsenta-
tivo omnia continere.

S. V.

Solvuntur objectiones.

Obijecies primo cum Aegidio à Præsentatione
contra primam conclusionem, in qua dici-
mus in visione beata nullam de facto intervenire
speciem creatam. Connaturalius, & congruen-
tius videtur, tam ex parte Dei, quam ex parte in-
tellectus creati, ponit speciem creatam in visione
beata, quam diuinam essentiam supplere vices
illius: Ergo cum Deus concurrat ad operationes
causarum secundarum, modo sibi & illis magis
congruo & connaturali, talis species admittenda
et. Consequentia patet, Antecedens proba-
tur quantum ad utramq; partem. In primis enim
ex parte Dei connaturalius est, quod mediis for-
mis creatis concurrat ad operationes creature-
rum, quam per seipsum immediatè. Sicut connat-
uralius est, quod natura creata propriis suppo-
sitis terminatur, quam divinis; & quod Deus
producat lucem medio Sole, quam se solo. Item
connaturalius est nostro intellectui, ut perva-
niat ad cognitionem objectorum, mediâ aliquâ
specie illi inhærente, eique subordinatâ, quam
mediante essentiâ divinâ, illi assistente per mo-
dum speciei. Præsertim quia valde difficile ex-
pliatur, quomodo essentia divina possit uniri
intellectui beato supplingo vices speciei, nisi il-
lum informet, eique inhæreat, quod impossibile
est.

Respondeo negando Antecedens, quantum 31
ad utramque partem. Ad cuius probationem in
primis dici potest, convenientius esse quod Deus
mediis formis creatis, concurrat ad operationes
causarum secundarum, quando tales formæ sunt
possibles; secūs vero quando sunt impossibles,
& implicant contradictionem, ut contingit in
proposito.

Secundò, dato etiam quod species creata in
visione beata esset possibilis, non tamē esset magis
congruum & connaturali Deo, & intellectui
creato, quod Deus illā mediante ad visionē beatificam
concurreret, quam immediate per suam
essentiam gerentem vices speciei. Ad primam
probationem in contrarium dicendum est, quod
connaturalius est Deus mediis formis creatis
operari, quando illæ formæ se habent ut virtutes
per se operativæ, & propriæ rei creatæ: tunc
enim connaturalius est, quod Deus agere per-
mittat, quam quod impedit, & per seipsum
suppleat: secūs vero quando illæ formæ se habent
solum repræsentativæ, & ut vices gerentes alterius;
si enim illud sit præsens, & per seipsum suf-
ficienter actuans, potius superfluit, & minus con-
naturalis est, quod per alterum id fiat, quam per

seipsum, ut constat in substantia Angeli, gerente A vices speciei impressae in cognitione sui.

Ad secundam probationem similiter dicatur, esse connaturalius intellectui nostro cognoscere res per speciem creatam representativam illarum, quando objectum per seipsum non est intelligibile, & intimè illi præsens; secùs autem, quando habet has conditiones, ut contingit in proposito: essentia enim divina est per seipsum intelligibilis, & intimè præsens intellectui beatorum. Et licet non possit illum informare, hoc tamen non obstat, quia possit supplerre vices speciei: quia, ut infra dicemus, informatio, vel intellæctus non est de ratione speciei, sed per accidens illi convenit.

32 Obijcies secundo contra secundam conclusionem. Si nulla posset dari species creata, Deum quidditatè representans, maximè quia illa deberet esse ejusdem immaterialitatis cum Deo; in hoc enim principio fundatur præcipua vis, & efficacia rationum D. Thomæ: Sed hoc principium est falsum, vel saltem valde incertum, & dubium: Ergo nutat præcipuum fundamentum nostræ sententiae. Major constat ex supra dictis: Minor probatur multipliciter. Primo, quia dari potest, & de facto datur lumen gloriae, quo intellectus beatus connaturaliter videt Deum, quamvis non sit ejusdem cum eo immaterialitas.

Secundo, Species quæ Angelus inferior quidditatè cognoscit superiore, non est ejusdem perfectionis, & immaterialitatis cum substantia Angeli superioris: Ergo non requiriur proportio in immaterialitate & perfectione, inter speciem & objectum quidditatè cognitum. Idem argumentum fieri potest de anima separata, quia potest cognoscere quidditatè Angelos, licet non conveniat cum eis in eodem gradu immaterialitatis.

33 Respondeo concessa Majori, negando Minoris, ad cuius primam probationem dicendum, magnum esse discrimen inter lumen gloriae, & speciem impressam: nam lumen gloriae se tenet ex parte subjecti, & est virtus elevativa ipsius, species autem se tenet ex parte objecti, & est ejus similitudo formalis. Quare licet lumen gloriae non habeat eandem cum Deo immaterialitatem, species tamen impressa, quidditatè Deum representans, deberet esse ejusdem immaterialitatis cum illo.

Ad secundam probationem, similiter dico disparem esse rationem; licet enim accidens non possit esse ejusdem perfectionis cum substantia, in ratione entis, nec univocè cum ea convenire, bene tamen in esse intelligibili & representativo, quia potest cum ea convenire in gradu immaterialitatis, quia est fundamentum & radix intelligibilitatis; modo multoties accidens substantiam superat in immaterialitate. At vero omni entitate creatæ vel creabilis repugnat esse ejusdem perfectionis cum Deo, & cum eo univocè convenire, etiam in esse intelligibili & representativo; eo quod nulla creatura possit esse ejusdem immaterialitatis cum illo.

Ad tertiam probationem ejusdem Minoris, dicendum, quod Angelus superior & inferior convenient in eodem gradu saltem generico & univoco immaterialitatis, quod sufficit ad ra-

tionem speciei impressæ, ut supra diximus. Et per hoc patet etiam responsio ad aliud exemplum de anima separata, licet enim illa non sit in eodem gradu specifico immaterialitatis & intellectualitatis cum Angelis, est tamen in eodem gradu generico cum illis: ratio enim substantiae immaterialis & intellectualis ad Angelos, & animam rationalem, univocè communis est.

Obijcies tertio: Ad effectum finitum non requiritur virtus infinita: Sed visio beata ad quam species ut virtus concurrit, est quid finitum: Ergo ad illam non desideratur species infinitè perfecta.

Respondeo distinguendo Majorem: Non requiritur virtus infinita, ex meritis effectus, concedo: ex meritis objecti cujus est virtus, nego. Vel secundò distinguo: Non requiritur per se primò, translat: per se secundò, nego.

Explicatur: Licet visio beata, per se primò solū exposcat speciem impressam objecti infiniti, ac proinde extrinsecè solū & objectivè infinitam; quia tamen non potest dari talis species nisi sit in seipso intrinsecè infinita, utpote ejusdem perfectionis, & immaterialitatis cum illo, petit saltem per se secundò tamē infinitatem. Sicut in sententia quæ docet malitiam peccati mortalis esse extrinsecè tantum, & objectivè infinitam: licet offensia contra Deum commissa, per se primò, & ex propriis meritis, non exigat nisi satisfactionem simili infinitate extrinsecè gaudentem: quia tamē non potest dari satisfactione quæ infinitate habeat, nisi à persona infinita procedat, & eo ipso quod procedit à persona infinita, non potest non gaudere infinitate intrinsecè: ideo per se secundò, infinitatem intrinsecam in satisfactione desiderat.

Obijcies ultimo: Quoties possibilis est aliqua actio, etiam possibilia sunt principia quæ ad illam concurrunt, ejusdem ordinis cum illa: Sed in ordine supernaturali possibilis est cognitione intellectus, tendens in Deum ut est in se, nempe visio beatifica: Ergo etiam possibilia sunt principia quæ ad illam concurrunt, ac proinde species impressa creata, quæ est unum ex principiis ad cognitionem concurrentibus, possibilis erit.

Respondeo distinguendo Majorem: Possibilia sunt principia, quæ se tenent ex parte potentia, concedo. Quæ se tenent ex parte objecti, semper, nego. Unde licet in visione beata, possibile sit, & de factò detur lumen gloriae creatum, non tamē datur, nec possibilis est species impressa creata. Ratio disparitatis constat ex supra dictis, nam lumen gloriae se tenet ex parte potentia, supplet ejus defectum, illam elevat & confortat, ac reddit proximè intellectivum; species autem se tenet ex parte objecti, vice illius gerit, & reddit illud proximè intelligibile. Cum ergo impossibile sit, divinam essentiam fieri intelligibilem per aliquid creatum; quia illa est sua intelligibilitas per essentiam, ut supra arguebamus: intellectus vero creatus, possit fieri proximè intellectivus per aliquam formam creatam & illi superadditam, eo quod non sit sua intellectualitas per essentiam: hinc sit, species creatam, non tamē lumen creatum, in visione beatifica repugnare.

* *